

新刊河間劉守真傷寒直格卷中

臨川葛仲穆編



習醫要方用直格

○傷寒總評

傷寒六經傳受

經言寒傷形寒傷皮毛寒傷血寒傷榮寒主閉藏而脈理
閉密陽氣怫鬱不能通暢怫然內作故身熱燥而无汗故經
曰人之傷於寒也則為病熱又曰夫熱病皆傷寒之類也內
經既直言熱病者言一身為病之熱氣也以至仲景直言傷
寒者言外傷之寒邪也以分風寒暑濕之所傷主療不同故
只言傷寒而不通言熱病也其寒邪為害至大故一切內外

所傷俱為受汗之熱病者通謂之傷寒也一名大病者皆以
為害之大也又春日溫病夏日熱病秋日濕病冬曰傷寒傷
寒者是隨四時天氣春溫夏熱秋濕冬寒為名以明四時病
之微甚及主療消息稍有不等大而言之則一也非為外傷
及內病有此異耳或云冬伏寒邪於肌膚骨肉之間至於春
變為溫病夏變為熱病秋變為濕病冬變病為止傷寒病者
及名胃其寒而內生怫熱之微而不即病者以至將來陽熱
變動或又感之而成熱病非謂伏其寒氣而反變寒為熱也
經曰冬傷於寒春必病溫亦其義也亦有一時冒寒而便為
熱病者或感四時不正乖戾之氣或隨氣運與寒變動或內
外諸邪所傷或因他病變成或因他人傳染皆能成之但以
分門隨證治之耳經言此六經傳受乃列傷於寒而為熱病
之大略在證之要法也

大法曰傷寒一日太陽受之故頭項痛腰脊強

此足太陽旁光之經也故與經言五日足少陰腎水為其表
裏或言為手太陽者誤也此六經之路也或以此直云傷寒
不傳手經者亦誤也豈不詳執論云五藏六府皆受病又刺
熱為皆言五藏熱病但以熱病多于足經而其病甚少于手
經而其病微且與足經微為兼證汗下之治但分表裏故不
單言手經而但寄於足經而已若針刺則本經補瀉各分五
藏手足之經矣

二日陽明受之故身熱目疼鼻乾不得眠也

三日少陽受之故胸脅痛而耳聾

四日大陰受之故腹滿而咽乾

五日少陰受之故口燥舌乾而渴

六日厥陰受之則煩滿囊縮

或言傳手厥陰包絡相火則水火既濟而愈傳足厥陰肝經則土敗木賊而當死者妄說也此經言足厥陰肝經之證也

大法曰前三日二陽病在表故宜汗之

汗洩熱退身涼而愈後三日三陰病在裏故宜下之
下退裏熱則怫熱宣通汗出氣和而愈也亦有內熱下尽死汗氣和而愈者也或者曰前三日實在表者誤也此皆證也

或未愈者辨經衰之七日太陽病衰自此以下皆言病自衰城頭項少愈八日陽明病衰身熱少愈九日少陽病衰耳能微聞十日大陰病衰身熱少愈腹滿如故十一日少陰病衰渴止不瀉以言腹不復瀉舌乾已而噤十二日厥陰病衰囊縱少腹微下大氣皆去言大病熱氣散去病則瘳矣

此亦大略言之耳傷寒傳受不必拘此但以明其諸證而如法治療耳

裏外傷

始得病脈便沈而裏病表和者內傷也脈浮而表病裏和者外傷也病在身體四肢為表病病在胸腹之內為裏病

表裏證

身熱為熱在表言皮膚壯熱而反增寒非謂自發熱燥也引飲煩渴或小便黃赤為熱在裏身熱飲水或小便黃赤為表裏皆有熱身涼不渴小便清白則表裏皆無熱不言為寒者蓋表裏熱微則亦有身表不熱而裏亦不渴故

渾身疼痛拘急表熱裏寒而脈浮者皆為熱在表也引飲諸妄腹滿實痛發熱而脈沈者皆為熱在裏也胸膈痞痛或嘔而不利

熱往來脈在肌肉不浮不沈則邪熱半在表半在裏也

大邪熱在表而淺邪微而畏正故病熱而反增寒也寒則腠理

益開而怫熱益加故也邪熱在裏而深邪甚則不畏於正物惡

其極故不惡寒而反自惡熱也半在表半在裏進退無常則寒

熱往來也寒多為表多脈稍浮熱多為裏多脈稍沈也諸病寒

熱並同惟瘧疾反此由表之正氣與邪熱并之於裏表氣虛而

裏熱實亢則害承乃制故裏之火熱極甚而反兼寒水之化制

之故病熱極而反寒戰也臨汗而戰及諸戰皆然寒戰為裏熱

表虛故也飲水而脈散不見也裏之正氣與邪氣并出於表則

表熱裏虛是以煩熱汗出而脈浮也經以熱并於裏之陰分則

為陰勝而發寒熱并於表之陽分則為陽勝而發熱也俗未知

其為表裏之陰陽而妄為寒熱之陰陽故皆失內經之本旨也

夫傷寒之寒熱者惡寒為表熱裏和故脈浮發熱為裏熱表氣

不虛故發熱而脈沈實也氣并不同故寒熱相反而有微甚也

熱并則甚不并則微也

主療

傷寒表證當汗而不可下

反下之則畜熱內結而成結胸或為虛痞懊憹喘而腹滿下

利不止發黃驚狂斑出諸熱變證起而死矣

裏證當下而不可汗

反汗之則熱其發黃驚狂斑出譫妄而喘悶亡危極而死矣

半在表半在裏則宜和解

相和通解表裏也

不可發汗吐下妄治之則有前諸證

在上則瀉之

言病在胃膈上如胸滿而嘔或眩厥胸膈閉塞其者宜瓜蒂散吐之

在甲者以之

言寒熱下佳則承氣抵當之類洩之皆隨病所在攻之

傷寒無汗表病裏和則麻黃湯汗之或天水散之類亦佳

身熱惡寒無汗脈浮緊而數者

表不解半入於裏半尚在表者小柴胡湯主之或天水涼膈二

藥各一服合同服之尤佳表裏之熱勢俱甚者大柴胡湯微下

之更甚者大承氣湯下之

表雖未能而裏證已甚若不下之則表熱更入於裏而裏熱

危極宜以大柴胡大承氣下之俾除表裏之熱則免使但下

裏熱而下後表熱乘虛又入于裏而生結胸及痞諸病之類

也

表熱多裏熱少天水一服半以和解也

煎涼膈半服調天水一服上下同法

裏熱多表熱少未可下之者涼膈一天水半調之勢更甚者小

承氣湯下之表證罷但有裏證者熱傳于裏也調胃承氣湯下

之但除裏熱也凡此諸可不若言大柴胡三承氣諸下證通宜

三乙承氣下之善能開發峻効而使之無表熱入裏而成結

胸及痞之壞病也

發汗不解下證前後別無異證者通宜涼膈散調之以退其熱

使無熱甚危極也除此之外遠勝小柴胡湯兩感故此而已

但隨表裏微甚而以調之兩感謂一日太陽與少陰兩證俱

是二日陽明與大陰三日少陽與厥陰俱病前六經之證是

也

傷風自汗表病裏和者桂枝湯解肌

無汗為傷寒不可服桂枝湯有汗為傷風不可服麻黃湯

半在表半在裏脈在肌肉而半入于裏白虎湯和解之病在裏

脉當沈也大承氣湯下之

一法無問風寒暑濕有汗無汗

但有可下諸証或表裏兩證俱不見而病日深但目睛不了了者昏時不精明或腹滿實痛者或煩渴或譫妄或狂悖喘滿者

或畜熱極深而將死者通宜大承氣湯下之或三乙承氣湯下之尤良傷寒大發汗汗出不解反無汗脉尚浮者蒼朮白朮湯再解之

或中暑大汗自出脉虛弱頭痛口乾倦怠煩燥或時惡寒或畏日氣無間表裏通宜白虎湯或裏熱甚腹滿而脉沈可下者宜大承氣湯或三乙承氣湯尤妙

傷寒表熱極甚身疼頭疼不可忍或眩或嘔裏有微熱不可發汗吐下擬以小柴胡天水涼膈之和解恐不能退其熱勢之甚者

表熱勢甚而裏已有熱發表未開則湯藥其故不宜汗之

則病愈熱在病在故病寒者自是寒病熱此汗病之氣也雖寒厲陰水而天地陰陽氣液相生之道則寒之化不能更生陰水也故古聖曰陽中生陰陰中生陽氣中生液人中生氣又曰積液生氣積氣生液又經曰氣和而生精液然氣為陽物故萬物之水液皆生於陽熱之氣如天氣陽熱極甚則萬物濕潤而冬寒則萬物乾燥由是言之既為作汗之病氣本熱冰寒明矣故經又曰凡傷寒而成溫病者先夏至日為溫病後夏至為暑病暑與其汗皆出止言邪熱隨汗皆出蓋而愈也又經曰飲食飽甚汗出於胃驚而奪精汗出於心與重遠行汗出於腎疾走恐懼汗出於肝搖身勞苦汗出於脾此皆動亂勞苦而致陽熱以為汗出豈可反言作汗之病以為陰寒耶今之俗醫不明陰陽變化之道而妄取陽主於生陰主於死而欲養於陽熱者殊不知此言自生之後以顯為陽

脉當沈也大承氣湯下之

法無問風寒暑濕有汗無汗

但有可下諸証或表裏兩證俱不見而病日深但目睛不了了者昏昧不精明或腹滿實痛者或煩渴或譫妄或狂燥喘滿者或畜熱極深而將死者通宜大承氣湯下之或三乙承氣湯下之尤良傷寒大發汗汗出不解反無汗脉尚浮者蒼朮白朮湯再解之

或中暑大汗自出脉虛弱頭痛口乾倦怠煩燥或時惡寒或晝日氣無間表裏通宜白虎湯或裏熱甚腹滿而脉沈可下者宜大承氣湯或三乙承氣湯尤妙

傷寒表熱極甚身疼頭疼不可忍或眩或嘔裏有微熱不可發汗吐下擬以小柴胡天水涼膈之和解恐不能退其熱勢之甚者

表熱勢甚而裏已有熱發表未開則陽熱蒸其故不宜汗之

則病愈熱在病在故病寒者自是寒病熱者自是熱病之氣也雖寒屬陰水而天地陰陽氣液相生之道則寒之化不能更生陰水也故古聖曰陽中生陰陰中生陽氣中生液液中生氣又曰積液生氣積氣生液又經曰氣和而生精液然氣為陽物故萬物之水液皆生於陽熱之氣如天氣陽熱極甚則萬物濕潤而冬寒則萬物乾燥由是言之既為作汗之病氣本熱非寒明矣故經又曰凡傷寒而成溫病者先夏至日為溫病後夏至為暑病暑與其汗皆出止言邪熱隨汗皆出蓋而愈也又經曰飲食飽甚汗出於胃驚而奪精汗出於心更重遠行汗出於腎疾走恐懼汗出於肝搖身勞苦汗出於脾此皆動亂勞苦而致陽熱以為汗出豈可反言作汗之病以為陰寒耶今之俗醫不明陰陽變化之道而妄取陽主於生陰主於死而欲養於陽熱者殊不知此言自生之後以顯為陽

陽中生陰故生者死之道也既死之後以陰爲陰陰中生陽故死者生之道也此古人之論道乃死生有無動靜隱顯之陰陽非言寒熱之陰陽也俗又妄言仙經云純陽升而爲仙純陰死而爲鬼因以養陽熱者亦不知此以陽主虛無而言神爲陽主形體而言形爲陰言善養生者謂順陽陰煉就陽神超升弃其陰体即純陽之神迺爲仙也不明道者寒熱未調以致陰陽勝負耗絕陽神惟存陰殼則遊魂冥之非鬼何哉此則脩養家言形神之陰陽而非醫寒熱之陰陽也俗又妄謂周易以陽爲尊爲美爲善爲剛爲清爲正而陰邪反之因以但欲養於陽熱者此又不知易象言陰陽体用之道以爲教非言一身寒熱之陰陽也故陽健陽命而陰順和之陰順和之則陰陽和平而回歸善道非以乾陽特爲熱也且夫子云乾爲天爲圓爲君爲父爲玉爲金爲寒爲冰然則乾之

表熱勢甚若吐下之則表之熱大棄虛而入反成結胸等證則危極也

或大下後或再二下後熱勢尚甚而不能退本氣損虛而脈不能實擬更下之恐下脫而立死不下之則熱極而死寒溫諸藥不能退其熱勢之甚者或濕熱內餘下利不止熱不退者或因大下後濕熱利不止而熱不退脈弱氣虛不可更下者或清濕熱內餘少便赤澀大便溏泄頻併少而急痛者必欲作劑也通宜黃連解毒湯以解之也

或裏熱極甚而恐承氣不能退者或以下後而熱不退者或裏熱內甚陽厥極深以至陽氣拂鬱不能營運於身表四肢以致通身清一作青冷痛甚不堪項背拘急目赤睛疼昏眩恍惚乾或痛躁渴虛汗嘔吐下利腹滿實痛煩冤悶亂喘急鄭聲

對辨證論不通鄭音聲重濁邪惡而不清雅也此乃熱勢過極

而語音濁亂不能清利也俗反妄傳以爲寒極陰毒誤之甚矣

脉須疾數以其極熱蓄甚而脉道不利及致脉沈細而欲絕俗未明其造化之理而反謂傳爲寒極陰毒者或始得之陽熱甚而便有此證候者

夫辨傷寒陰陽之異証者是以邪熱在表府病爲陽邪熱在裏而藏病爲陰也俗乃妄言有寒熱陰陽之異證者誤之久矣且素問傷寒直云熱病誠非寒也其二篇各曰熱論刺熱篇評熱病篇及逐篇明言爲熱竟無寒理兼素問及靈樞諸篇運氣造化之理推之則明爲熱病誠非寒也寒病固有矣非汗病之謂也且造化爲汗液之氣者乃陽熱之氣所爲非陰寒之所能也以觀萬物熱極而出液明可知矣經曰夫熱病皆傷寒之類也又曰人之傷於寒也則爲熱病然既身內

有陰寒者止爲雜病終莫能言汗病也况病後曰身熱爲熱在表飲水爲熱在裏其傷寒汗病亦未身涼不渴小便不黃脉不數者未之有也雖仲景有四逆姜附之類熱藥是以治其本裏和誤以寒藥下之太早表熱未入於裏而寒下利不止及或表熱裏寒而自利者急以四逆湯攻裏利止裏和急以解於表也故仲景四逆湯証後復有承氣下熱之說也由是觀之傷寒汗病經直言熱病而不言其有寒無疑也經言三陰証者爲邪熱在藏在裏以藏與裏爲陰也宜下熱者也夫傷寒陰陽之別者但非表熱當汗而下之則死裏熱當下而汗之亦死故仲景曰桂枝下咽陽盛即驚承氣入胃陰實即亡死生之要在乎須臾視身之盡不暇計自此陰陽虛實之交錯其候至微發汗吐下之相反其揭至速而醫術淺短者懵然不知病源爲始乃誤使病者殞沒然則止謂邪熱在

表則汗之邪熱在裏則下之熱在上則吐之熱在下則泄之
邪熱半在表半在裏則和解之宜分寒熱陰陽之虛實與陰
陽汗病之證邪况朱奉議自言陰毒脈疾至七至八至以上
疾不可數者陰毒已深也夫既云疾至八至已上疾不可數
者正是陽熱極深之脈也豈是陰寒歟况世俗所謂陰毒者
證以素問造化驗之皆陽熱亢極之證但言熱極深在內而
身表有似陰寒也經云亢則害承乃制言五行之道貴甚焉
極則反似尅其已者是為兼化如萬物熱極反出水液以火
煉金熱極而反似水是以火極而似水之化也五行皆然故
肝熱甚則出泪心熱甚則出汗脾熱甚則出涎肺熱甚則出
涕腎熱甚則出唾今傷寒為作汗之病氣者乃陽熱熾鬱而
否極復泰即熱氣蒸蒸而為汗出也如天時陽熱亢旱否極
而泰則復為雨也故欲雨則天乃鬱熱積霽則天反涼人涼

純陽豈謂熱即此亦非特取寒水為陽是取寒水之動健整
肅清剛為乾健之象耳夫寒熱之卦坎為中男迺少陽之卦
即寒水也離中為女乃少陰之卦即火熱也坎離水火為夫
婦而易以陽剛坎水寒者為夫而陰柔離火熱者為婦亦非
以熱為陽剛而定為陰柔也故易言陰陽者但以明其物象
而非素問論病定熱陰陽之氣也設云乾為定者本非取乾
陽為寒但取寒之勁慄清整像乾之道也俗又妄言人生則
身溫而死則身冷及病雖身熱未至於死將死者必熱反變
寒而後死也因云陽則生陰則死以此專欲養於陽熱殊不
知一身之內寒暑燥濕風火六氣渾而為一兩得則和平一
與一衰病以生也夫和平之常者溫涼得所適當其陽和之
氣如俗云人躰溫和是也然冬定而人腠理閉密則身當溫
和夏熱則腠理開通而多汗出則身當微涼相反者病過與

不及亦病其中藏府陰分以爲根本則固守陽和之氣但當
溫和乃爲和平唯府藏之氣各隨五行休囚旺相死之時位
而微有虛實不一也此之虛實乃自然之道而不爲病者然
冬腎水陰至而寒復以天氣寒則腠理閉密而陽氣收藏固
守於內則適當其平而以能內外之寒夏心火陽至而熱復
以天氣熱則膏腠開泄而陽熱散越于外適當其平而以能
內外之熱萬物皆然此陰陽否泰大道造化之理蓋莫大乎
此也然雖秋冬否閉此以其肺腎陰王而得其所故康強者
病而病亦輕微也春夏開泰以其肝心陽王故怯弱多病而
病熱怫鬱則陽氣散越故病甚而多死亡及夫地理方位高
下四時寒熱溫涼安危壽夭病同故經曰陰精所奉人多壽
陽精所奉其人夭又仙經西山記言平人四時常有喘謂三
焦相火無不足入節不得必謂腎藏陰難得實然則豈可不

明陰陽虛實但欲養於陽熱耶凡病致死者陽和氣既不在
則止爲陰濕形體而已非冷何哉俗未知熱其則熱畜於內
而陽氣不能營運於四肢身表故四肢逆冷以至身冷脉細
而絕則死畜熱甚者氣血不通而身面俱青此則畜熱之深
也所以仲景言傷寒熱極失下則厥之深者熱亦深而厥微
者熱亦微如此則熱極而死者莫不身冷脉微而以至於絕
也俗未明其然直反妄曰陽在則生陽去則死又曰陽動交
爲陰寒則死因以但欲養其陽熱而反致殘陰寒地則陽氣
後竭而死者不爲少也俗醫未深明造化又以寒者熱之得
之勢惡陽勢暴甚而使畜熱以深身冷厥逆手足無復溫和
者直以爲寒極而爲陰厥以對陽厥及表裏熱者直以爲
畜熱於內者以爲陽毒以配陰毒分爲寒熱陰陽之異然曾
不知傷寒汗病便是熱病寒無陰毒陰厥者也嗚呼病本熱

其熱蘊乎裏則陽氣陷下以至厥逆身冷或青而厥微乃妄
以寒極而內外急救其陽而反招其寒害因以妄言必死之
谷間或疆突之人素本不衰及熱鬱滯結向裏微者傷中幸
甘熱藥發散而脹理氣通佛熱以隨汗泄而愈者速以爲
死之病而救之以活反恨往之死者救其陽之不效因以
互相議論但見畜熱內結厥逆者或未厥者早以溫之無用
寒涼恐成陰毒陰證而死俗醫治傷寒候人多者無過於此
後學之士但以素問運氣自然造化之理原其標本則明可
見焉且以依法救人慎勿惑於衆人之言故經曰謹熱陰陽
無與害謀又曰知逆與從正行無問此其道也

或兩感熱者宜解毒加大承氣湯下之熱不退者宜再下
之然雖古人皆云三下之熱未退即死矣亦有按法以下四五
次利一二行熱方退而得活者免致緊不下退其熱而必死也

下後熱稍退而未愈者黃連解毒湯調之或微熱未除者涼膈
散調之或失下熱極以至身冷脈微而昏冒將死若急下之則
殘陰暴絕而死蓋陽氣後竭而然也不下亦死宜涼膈散或黃
連解毒湯養陰退陽積熱漸以宣散則心胸再暖脈漸以生至
於脈復而有力方可以三一承氣湯下之或解毒加大承氣湯
尤良或下後微熱不解涼藹散調之愈後常宜服愈熱之藥忌
發熱諸物

傷寒表證

夫傷寒之候頭項痛腰脊僵身拘急表熱惡寒不煩燥無自
汗或頭面目痛肌熱鼻乾或胸滿而喘手足指末微厥汗發
而緊者邪熱在表皆麻黃湯發汗之證也或天水散之類其傳
無使藥不中効而益加害也
益元散一名天水散一名大白散

治身熱嘔吐泄瀉腸澀下痢赤白治淋閉癢癢疼痛利小腑偏
王石淋蕩胸中積聚寒熱大益精氣通九竅六府津液去留結
消畜水止渴利中除煩熱心燥治腹脹痛悶補益五藏大養脾
腎之氣此腎水之藏非胃土之府也理內傷陰癆安魂定魄補
五勞七傷一切虛損主癰瘕驚悸健忘止煩滿短氣藏傷咳嗽
瘵飲食不下肌肉疼痛治口瘡牙齒疳蝕明目耳目壯筋骨通經
脈和氣血消水穀保真元解百藥酒食邪熱毒耐勞役飢渴寒
熱辟中外諸邪所傷又服強志輕身注顏益壽及解中暑傷寒
疫癘飢飽勞損憂愁思慮恚怒驚恐傳染并汗後遺熱勞復諸
疾兼解兩感傷寒能遍身結滯宣通氣和而愈及婦人下乳催
生并產後損液血虛陰虛熱甚一切諸證並宜服之兼患吹乳
乳發或已覺吹乳乳癰頻服即愈迺神驗之仙藥也
石淋服金石熱藥結為砂石自小便中出痛不可忍

傷風表證 一日中凡

夫傷風之候頭痛項強肢節煩疼或目疼肌熱乾嘔鼻鳴手足
溫自汗出惡風寒脈陽浮而緩陰浮而弱也關前曰陽關後曰
陰此為邪熱在表皆桂枝湯解肌之證也或汗出憎風而加項
背強痛者宜桂枝加葛根湯也反無汗者宜葛根湯也雖已服
桂枝反煩不解而無裏證者先刺風池風府却與服之或服桂
枝大汗出脈浮而洪大再宜服之發汗後半日許復熱煩浮
數者再宜桂枝湯也當汗而反下之不成結胸而但下利清穀
不化表證尚在者表熱裏寒也

此言承氣寒藥下之者也或誤用巴豆熱藥下之而暢熱利
不止者或表裏皆熱自利或嘔者皆宜五苓散止利兼解表
也

忌以四逆湯溫裏利止裏和急以桂枝湯解表

或表熱裏和下列同法

或陽明病脉浮濇汗出微惡寒或大陰病脈滿而脈浮或宜汗
又下之但氣上衝而脈浮者並宜桂枝湯也

脉反沈實者大承氣湯下之

或下之早而心下痞汗出惡寒脉浮者表未解也先桂枝以解

表而後以大黃黃連瀉心湯以攻其痞也太陽病不解而畜血

下焦者見畜血門先桂枝解表已而以下血也

宜桃仁承氣湯或抵當丸攻之

俱中風寒

頭項痛支体疼手足温為中風也

宗也或頭項痛腰脊強身拘急指末微厥不自汗為濕宗也

反煩躁而脉緩者為傷風也風則傷衛而宗則傷榮

萬物必以陰求陽陽求陰陰陽相應則為和以故榮者陰氣

也寒加之則傷耳故又曰寒傷血血亦依也備陽氣也風亦

陽也故風加之則傷耳故曰熱傷氣氣為陽也經言陰風主

於閉藏而陽熱主於開泄故寒傷榮則腰理閉密熱內作

燥熱而無汗故脉數浮而緊也風傷衛則腰理開泄而自汗

也故脉浮而緩以邪熱泄越故脉不能平陽明主於肌肉故

自汗多而脉反遲也熱乃陽中之至陽故傷熱氣則大汗自

出病雖寫熱脉不能實而虛弱也然佛熱不度無汗者故當

病也其汗泄通泰而亦病者蓋泰極則否也夫人氣和而為

汗如天地氣和而為雨過多則澇久不雨則旱有無多少實

乎應時興衰失常則災害至矣萬事皆然

榮衛俱傷則表裏熱甚也宜大青龍湯

小青龍湯治傷寒表未罷心下有水氣

表雖未罷而已有熱入於裏佛鬱於胃則飲食不化不能傳

化宣行畜積不散而為此非裏熱太實煩渴引飲過多停積而為病者

乾嘔發熱而效或渴或利或噎或小便利少腹滿或喘者

水不浸潤宜散滋潤腸胃肅用故熱而渴或噎或喘或小便利

不利少腹滿而喘也水液不能宣行則濕熱甚於腸胃故或

利也

小柴胡湯治傷寒中風其病半在表半在裏脈在肌內不沈不

浮筋脈拘急身體疼痛寒熱往來惡寒為表熱發熱為裏熱

寒熱往來者邪熱半在表半在裏也進退不已而言無常也

或嘔或欬胸脇痞滿硬痛下之

鮮或無問傷寒雜病蒸熱作發并兩感可和解者並宜服之

涼膈散一名連翹散子治傷寒表不解半入於裏下證未全或

復未愈者或燥熱怫結於內而煩心懊憹不得眠者反無問傷

寒雜病大人小兒藏府積熱煩燥多渴面熱頭昏唇焦咽燥舌

腫喉痺目赤鼻衄頰頰結硬口舌生瘡癢食且不利欬唾稠粘睡

卧不安善語狂妄腸胃濕燥便尿閉結一切凡熱壅滯凡眩澹

癩及傷寒陽明胃熱發斑下證未全者或誤服燥藥過多為諸

熱證并酒甚熱毒兼小兒斑痧豆瘡未出及驚風積熱傷寒不

能辨別者或熱甚且瘡已出未快者或熱極黑陷將死者

小兒疹豆未出誤以熱藥發汗致使陽熱轉甚則重密出不

快多致黑陷而死因以世俗多班疹不敢服藥以誤小兒諸

病多矣亦不知古人所留涼瀉之藥通治凡熱積熱傷寒熱

病縱誤是班瘡亦使熱勢稍退而稀少出快早得痊安也若

用此最為妙也

閻孝忠集小兒方論未達錢氏本意不明造化之理反受

疹病黑陷為寒及曰凡班疹始終不可服涼瀉之藥

疹病黑陷為寒及曰凡班疹始終不可服涼瀉之藥

之反致熱甚黑陷而死者不可勝計也問公豈不詳自汗
錢氏方治班疹黑陷用牛李膏及百祥真凡寒藥下之而多
得痊愈者而不救則必死然則豆疹之為熱病豈不明哉况
經曰諸痛痒瘡瘍皆屬於心及夫班疹黑陷無不腹痛喘喝
嘶声而小便赤澁不通豈不是熱極乎沈班疹本因熱而生
病勢轉甚也豈能反為寒者也

並兩感諸證三陰三陽及傳諸証並宜服之或傷寒熱極將死
陰氣衰殘則不宜下下之則陰氣暴絕陽氣後竭而死矣惟宜
養陰退陽以至脈復而有力而後以三乙承氣湯微下之下後
未愈者更以深膈散調之雖愈後猶宜少少服之庶邪熱不致
再作也

白虎湯治傷風自汗桂枝湯表未解半入裏可以和解者
脈在肌肉而不可下者也

或中暑自汗脈虛弱者

熱傷氣而反自汗大出故脈不能自實而反虛弱

或傷寒自汗脈滑數而實表裏俱熱

脈沈浮皆得有力而數身熱頭痛煩渴腹滿小便赤黃也

或三陽合病言太陽少陽陽明合受其為病之熱氣腹滿身重

難以轉側口燥面垢譫語遺尿如誤發汗則譫言益甚下之則

便額上出汗後必發黃或厥逆自汗者是謂熱越言自汗數越

也如或裏熱而脈厥者或下證未全者兼和解兩感傷寒此方

最鮮頭痛并止自汗無間中暑傷寒凡熱雜病及傳染時疫本

非外傷風寒脈便不浮而自汗頭痛欲作汗病者并宜服之

無間四時但隨證詳而用之他藥倣此

五苓散 治中暑并傷寒大發汗後胃中乾煩燥不得眠尿

浮小便不利微熱煩渴及表裏俱熱飲水反吐名曰水逆或夜

痞不解或口乾煩渴小便不利或痞尚在而利不止者或當汗而反下之利遂不止脉浮表不解自利或小便不利者

凡用五苓散證無問脉之沈浮

或一切留飲不散以此散水止渴并解兩感太陽少陽俱病

經言六經病證者是也

或一切吐瀉霍亂無問寒熱及小兒瀉驚風無問急慢皆宜服

之

桂苓甘露散一名桂苓白朮散 治傷寒中風冒暑飲食內外

一切所傷傳受濕熱內甚或頭痛口乾或吐瀉煩渴或小便赤

澀大便急痛或瀉痢間作并一切濕熱霍亂吐瀉轉筋急痛腹

滿痛悶或中外諸邪所傷而并吐瀉者濕熱之時尤宜服之

并治小兒驚風

白朮散 治陽寒雜病一切吐瀉煩渴霍亂虛損及氣弱灸

虛保衰老兼治酒膈嘔噦

四逆湯

治傷寒表熱未入於裏誤以寒藥下之太早其表熱本未入而因藥裏寒下利不止或表熱裏寒自利不止者急

以四逆溫裏

脉浮不渴小便清白不溫完谷不化者是也或辨便溺之色

者須更審其飲食萬物之色也或下後協熱利不止者咽乾

煩渴也謹不宜溫也宜五苓之類散其濕熱也惟裏寒者可

以溫之止其寒瀉

利止裏和表證尚在者急以桂枝湯解表也或雜病寒飲嘔吐

者或寒濕油瀉者

然雖雜病若濕熱吐瀉者不宜此方雖亦有濕熱痞閉之微

者誤中辛熱開發而効甚者強劫不開則佛熱病轉加也惟

裏寒可通用四逆湯也

扶苓半夏湯
半夏扶苓湯
熱反胃吐食諸證

治傷寒雜病一切嘔吐或喘或頭痛者
治傷寒雜病嘔噦反眩疾逆欬喘頭痛并凡

黃連解毒湯

治傷寒雜病并酒燥熱毒煩悶乾嘔口燥呻

吟錯語不得眠凡

一切大熱狂燥喘滿及陽厥極其畜熱內深

俗妄傳為陰毒者見前辨表熱太甚頭項支體痛不可忍脉洪

躁裏有微熱不可汗者或濕熱內甚而欲作痢者

大便溏數而少急痛小便赤或澀者必欲作痢也

或已利執勢甚者并服本方及下之前後寒涼諸藥不能退其

熱勢之甚者兩感諸證同法

兩感者一日太陽與水陰俱病則頭痛口乾而煩滿二日陽

明與太陰俱病則耳聾裏縮而厥通宜此方以退表裏諸熱

朱氏不明此皆熱證妄言前三日實為病寒以四逆湯急溫

少
陽與厥陰俱病

裏而後以桂枝湯急解表大誤人也此二方皆不可用但隨
表與裏執勢微甚以退其熱使無致執極而死者是也若勢
甚宜下者加大承氣湯下之及夫經言此三日傳受亦大畧
之法也大抵宜隨證以施治亦不必拘也

或勢甚欲下慮不能退其熱者加大承氣湯下之或熱結極深
而諸藥數下畢竟不能利不救必死者此法更加甘遂末一錢
已下之吐利同効或但自執結胸中心胸高起腹雖不滿而但
喘急悶結證委實胃關脉沈數而緊者尤宜此法急以下之
吐愈佳

瓜蒂散

治表證罷邪熱入裏結於胸中煩滿而肌不能食

微硬而脉乍緊者宜以吐之

諸可下證

大柴胡湯

諸服小柴胡湯證後病不解表裏熱勢重甚而

極

心下急鬱微煩或發熱汗出不解下心痞鞭嘔吐下利已上屬
太陽或陽明病多汗或少陰病下利清水心下痛而口乾或大
陰病腹滿而痛或無表裏證但發熱七八日雖脉浮而數或脉
在肌肉實數而滑者及兩感諸證可微下者及除表裏之熱者
並宜此劑

大承氣湯

治大小二柴胡證後表裏俱熱病勢更甚者或

陽明脉遲汗出不惡寒

陽明主肌肉熱甚自汗多故脉不能數而反遲也裏熱更甚
故不惡寒而反微熱也

身重短氣腹滿而喘有時潮熱

惡寒身裏熱當汗而不可

下發熱為裏熱當下而不可汗

或手足心濺然汗出者微阻立切和也

今言惟足心手心氣似和然而汗出也

此大便已鞭也或吐下後不解不大便五六日至十餘日日晡
潮熱不惡寒獨語如見鬼狀者發則不識人循衣摸床惕然
而安微喘此陽明裏熱極甚也

足陽明胃經外肌肉為十二經之長內為五藏之本六府之

大源故陽明胃病雖為府病其脉沈數而實者皆當下之也

然腸胃熱甚則大黃自黃赤變褐以至於黑者難治也凡潮

熱譫語不能食者腸中已有燥糞能食者但鞭耳舊云胸中

有燥糞是寄手陽明證在足陽明也燥糞實兼在於胸耳

或陽明病下之後心胸燥熱而懊憹煩燥者亡液故也或煩熱

汗出則解復如瘧狀日晡發熱而脉沈實者宜以下也

脉浮虛者桂枝湯主之

或六七日不大便目不了了睛不和無表裏証大便難身微熱
者或小便不利大便下難下易時發微熱喘胃不能卧者有燥

糞也或三部脈皆平心下鞅或脈大而緊者或下利脈滑而數者或下利脈遲而滑者遲由熱泄不止而致之實非寒也或少陰病二三日口燥咽乾者或自利清水色純青心下痞痛口燥者皆濕熱相搏於腸胃之內而成下利也然熱則鬱結濕則痞閉故水液不結

浸潤於外則腸胃之外燥熱太甚而煩渴不止腸胸之內濕熱瀉也本因熱鬱而留飲以成濕也

或諸腹滿實痛煩渴譫妄脈實數而沈者無問日數並宜大承氣下之或裏熱燥甚腸胸佛鬱留飲不散煩渴止胸腹高起痛不可忍但嘔冷液大渴反不能飲飲亦不能止其渴喘急悶亂但欲死者熱服下咽立止其渴有若無病之人須更大汗而愈至此往往多未利而汗出亦有藥力但隨汗之宣通則不利而愈者也

小承氣湯

治傷寒日深恐有燥屎欲知之法少服小承氣

湯腹中轉失氣謂動轉失由之下氣也有燥屎也乃可攻之不

轉失氣者必初鞅後澹未可攻之攻之則腹滿不能食也欲飲

水而噦其後發熱者大便復鞅而少也宜小承氣和之若腹大

滿不通與小承氣湯微和胸氣勿大洩也或陽明多汗津液外

出腸胃燥熱大便必鞅而譫語也或譫語脈滑疾或發汗吐下

後微煩小便數大便因鞅者或下利譫語者多復有燥屎也通

宜小承氣湯下之或得病二三日脈弱無太陽柴胡証煩心心

下鞅至四五日雖然食少少與小承氣湯和之令小安

調胃承氣湯 治諸發汗和解吐後不惡寒但發熱而或蒸

蒸熱者或日深心下溫二欲吐而胸中滿痛大便又澹腹微滿

鬱二微煩先此時自極吐下者先蘇細切

先此時者先於此時之前已曾自極吐下而後此證也

或曰深裏熱證語法當承氣下之誤以銀粉巴豆燥熱大毒在藥下之以致真陰損虛則邪熱轉甚甚者為邪裏者為正因而協熱下利不止脈反調和也協胡切切和也合也

今言病本為熱而又與辛熱大毒園藥下之則兩熱協和相合而熱甚下利不止也下利脈當微厥而其熱藥攻之故脈反適當其調和也言有熱利不止而脈反平或滑實大而緊者也

反或表裏裏和而下之太早表熱乘虛入裏而或不成結胸但為熱利不止心下滿鞭或痛煩渴咽乾脈滑數而或實者或諸腹滿實痛者或煩渴譫妄者小便赤澁大便或鞭或熱油脈滑實而緊甚也並宜調胃承氣湯下之

三一承氣湯

通治大小調胃二承氣湯證

大法表證罷熱傳於裏則宜下之熱除即愈宜調胃承氣也

此失下熱極則危而死矣表裏和則當汗之熱泄身涼即愈若反下之則表熱乘虛入裏而成結胸之類諸病也或表熱半傳於裏半尚在表則不可汗下宜小柴胡之類和解之也或表裏兩證熱勢俱甚而和解不能已者雖邪熱半在裏半在表法當寒熱往來以其表裏熱勢俱甚故亦不惡寒而俱惡熱也宜柴胡湯微下之通除表裏之熱也或誤用調胃承氣則止能攻裏不能除其表熱或用小承氣多攻裏少除表則表熱乘虛入裏皆能為害也其大柴胡證勢更甚者宜大承氣下之設未全愈而或有表之微瀉邪熱入之于裏以其厚朴枳實之類善開結滯而不能成其結胸之類諸病也故活人書言攻裏之藥調胃承氣最緊小承氣次之大承氣又次之大柴胡最為緩慢故表證未罷而為裏熱已甚須可緩下者先大柴胡次大承氣亦可通也若論善開結滯熱

峻疾得利而效至大設未痊除而亦難并辨結者大承氣也
故活人書復言大承氣最緊小承氣次之調胃承氣又次之
大柴胡最慢也是以可急下之者宜大承氣也故雖大柴亦
可通用而復無急下之證也或可微下及微和胃氣者小承
氣湯調胃承氣為後先之次由是觀之而緩下急下善開發
而難辭結可通用者大承氣湯最為妙也故今加甘草名曰
三一承氣湯通治三承氣湯於効甚速而無加害也然以其
甘草味能緩其急結溫射潤燥而又善以和合諸藥而能成
功故本草云國老子也是以大承氣湯得其甘草則尤妙也
然此一方是三承氣湯合而為一也善能隨證消息但有此
方則不須復用大小調胃承氣等湯也
及無問傷寒雜病內外一切所傷且數遠近但以腹滿咽乾煩
渴謔妄心下按之鞭痛或但腹滿矢痛或小便赤澁大便結滯

或濕熱內甚而為滑泄或熱甚喘咳心亂昏悸癩狂目疾口瘡
舌腫喉痺癰腫瘡瘍或傷宗陽明胸熱發斑脈沈須可下者及
小兒驚風熱極潮搐涎喘昏塞并斑疹豆瘡熱極黑陷小便不
通腹滿喘急將欲死者或斑疹後熱毒不退久不作亦者或青
加瘡疔也或作斑癰瘡癰久不已者或佛熱內成疔癰堅積
痛而喘黃瘦潮熱驚風熱積及大人小兒久新癰疾卒暴心痛
風痰酒隔腸垢積滯久塞風暴傷酒食煩心悶亂脈數沈實或
腎水陰虛陽熱暴甚而僵仆卒中或一切暴瘡不語失音或昏
熱內甚陽厥極深脈反沈細而欲絕者或表之冲和正氣與邪
氣并之於裏則裏熱亢甚而陽極似陰反為寒戰厥微而絕者
或風熱燥甚客於下焦而大小便澀滯或不通者
凡木能勝濕土火熱能耗水液因而成燥二則緊欬堅結滯
不通故凡熱燥甚於下焦則燥甚結硬腸又緊欬者其燥甚

不能相離并旁光燥鬱不能滲泄故不通也慎不可用銀粉
巴豆大毒燥熱圓來下之反生燥熱而耗其陰液也故傷寒
下熱古皆禁之最宜三乙承氣湯兼用下取法
或產婦胎死不下者 風熱燥濕緊欬則毒力不得自然開

通也其證逆脉弦數而滿面赤或青或變五色腹滿急痛喘
悶胎已不動者是也手足溫而厥滑者止為難產但宜消胎
催生慎不可下也

及兩感表裏熱甚欲可下者並宜三乙承氣 大承氣加甘草
是也或下食積及急攻結滯者調下輕粉一字滯下日疾口

瘡咽喉瘡癆斑疹加涼膈散下死胎加益元散
十棗湯 治太陽中風下痢嘔逆表証罷乾嘔短氣不惡寒

熱二汗出發作有時頭痛心下痞鞭滿引下痛者兼下水腫腹
脹并酒積食積一切腸垢積滯弦癖堅積或畜熱心腹暴痛或

瘧氣久不已者或表之正氣與邪熱并甚於裏熱極似陰而反
寒戰表氣入裏而陽厥極深故脉微而欲絕也并凡熱燥甚結
於下焦大小便不通或實熱腰痛者及小兒熱結乳癖積熱作
發發風潮搐斑疹熱毒不能了絕者宜以下之
瘀血下證瘀於預切積也又音於

桃仁承氣湯 治太陽病不鮮而循經熱結在旁光其人如

狂血自下者愈表不鮮者先以桂枝湯解表已而但小腹急結
者乃以下之 或言少腹者誤也臍上為臍下為小腹小

腹兩旁謂之少腹凡下皆作小腹也
抵當圓 治傷寒裏熱少腹滿當小便不利今反利者有蓄

血也宜以下之
抵當湯 治太陽日深表證仍在循經而熱自下焦厥微而

沈不結胸而發狂者熱在下焦少腹當鞭滿小便自利也血下

迺愈宜以攻之或太陽病身黃脈沈者循經而畜熱下焦也少
腹鞭小便不利爲無血小便自利如狂者瘀血證也或陽明畜
熱內甚而喜忘喜許詎切或狂大便雖鞭而反易不難也其色
黑者有畜血也或無表裏証但發熱日深脈雖浮者亦可下之
或已下後脈數胸熱消穀善肌數日不大便者有瘀血也並宜
抵當湯下之

發黃

茵陳湯

治陽明裏熱極甚煩渴熱鬱留飲不散以致濕熱

相搏而身體發黃

或言寒熱相搏而發黃者誤也則如萬物濕熱甚則自生黃
色否或也本傷寒熱極失下或誤汗之溫之灸之慰之或誤
服銀粉巴豆大毒熱藥下之反以亡液損其陰氣邪熱轉甚
或下之太早熱入裏不成結胸但以發黃者或失寒涼調治

或熱勢本惡擬按法治之而不能退其熱勢之甚者或下後
熱勢不退皆能發於黃也大抵本因熱鬱而極甚留飲不散濕
熱相搏而發黃也

其候但頭汗出身無汗劑頸而還小便不利渴飲水漿者身必
發黃也

佛熱在表燥而無汗濕熱在裏氣甚不能散越于外則濕熱
之氣鬱甚而上行以至頭面陽極之分則濕熱蒸爲汗而
頸下無汗然濕熱不能自然宣通散越於周身故濕熱鬱之
極甚而面目徧身發黃色也故白虎湯證遍身自汗出者仲
景謂之散越不發於黃也小便不利者濕熱發黃之證也或
小便自利或狂或大便黑者瘀血證也發黃亦有譫妄者本
所不言以黃證未明故不須言也

宜茵陳湯調下五苓散以利小便退其濕熱也以黃者茵陳湯

利大小便也

結胸

汗下之後不大便五六日舌乾而渴日晡小有潮熱從心至少腹滿而痛不可近胸尚沉寒滑數或但關脈沉緊者通宜大陷胸湯或丸下之或脈浮者表未罷也不可下之下之死宜小陷胸湯及小柴胡之類和詳表罷者方可下之或結胸雖脈浮而裏熱勢惡須可下者宜三乙承氣湯一服分作二次約三時許服訖得利甚良雖未利稍減脈必漸沉病微者止用三乙承氣湯半服按而下之裏熱甚者以大陷胸湯大半服而下之謂有前藥之力也然須三方中甘遂反甘草或勢惡者故意以甘草擊首遂使開發此疾而為効速矣故世方及活人書雙圓子亦直用甘草甘遂也或但結胸別無大段熱證但頭微汗出脈沉滑者水結胸也通

宜大陷胸湯小結胸者心下按之而痛脈浮而滑別無大段熱証也

此亦下之早而熱結心胸也但以熱微於大結胸而甚於痞但熱之微甚也俗未明之又以妄謂但結胸無大熱證為寒實結胸殊不知素問明言熱病而實非寒也及夫臟結陰結陽結者經以熱結於腑而腑為陽是名陽結熱結於臟而臟為陰是名陰結一名臟結也然熱結於腑則微而淺故病厥微而易治熱結於臟則深而當病甚故厥深而難治矣或臟結畜熱極深而至身冷脈微而欲絕者表之熱証反不見也俗未知本熱極而致反言陰寒臟結本亦病熱極倍又妄加熱藥反絕殘陰而暴死十無一生因以世傳臟結便為死病也若以素問六氣脈證標本驗之則明可見其熱證也留飲不散而成頭汗而脈沉潛反附於骨者積飲以成水結胸也

及水結胸者通宜小陷胸湯也

痞

傷寒表裏俱熱下證未全法當和辨誤下之早則成痞心下痞滿而不痛按之軟虛也

然須裏之陰分已受熱入而為病是謂病發於陰也或熱微下證未全則不任轉瀉誤下之早則裏之微熱除去之外反為熱入所損虛而表熱故虛入裏雖不能成結胸亦作痞也俗醫妄謂陰寒之作發下之早而成痞者誤也然既病已為陰寒何得更言發於陰也寒病畢竟不可下何得言其下之早也既言其早則病熱發於陰也故此之邪熱病之表於陽分而裏和未有邪熱反以下之大早則裏乃極虛而表之全熱大入於裏此失之至大故成結胸而病熱勢惡也痞則誤之小故為熱勢輕微也小結胸者微於大結胸而甚於痞也

但分誤之大小熱之微甚非謂痞為寒也故仲景本攻痞多用大黃黃連黃芩寒藥爾後或以加附子乾姜之類者是以辛熱佐其寒藥欲令開發痞之佛熱結胸也非攻寒耳故攻痞不開者後當陷胸湯其熱也或當用大柴胡大承氣雙下表裏而無使表熱入裏以成結胸且及痞若誤用調胃承氣但攻其裏則表熱入裏而亦成痞也或無問可下不可下而誤用銀粉巴豆燥熱大毒團藥下之反以損陰亡液以使佛熱太甚亦或成痞或為諸熱變証各於本論詳之痞脉浮而尚惡寒者表未解也當先桂枝湯解表已而後攻痞也或只服五苓散便双散表裏甚良或痞惡寒而汗出者或痞而煩渴小便不利者或痞而留飲濕熱下利者或已成痞而因藥利尚不止以其痞滿誤更下之其痞甚甚嘔噎下利心煩燥者無問痞脉沉浮並宜煎生姜湯生薑黃芩一味調下五苓散每

服四五錢頻服或痞不已則後亦宜大黃黃連瀉心湯或用前方小陷胸亦得

懊懣者煩心熱燥悶亂不寧也其甚者似中巴豆草烏頭之類

毒藥之狀也

扼子湯

治懊懣煩心反復頭暈不得眠者燥熱佛鬱於內

而氣不能宣通也

經曰血氣者人之神由榮衛血氣運行則神在乎其中也然神行於表則榮衛流注於經謂之行陽令人寤猶夫之日出為晝也神行於裏則五藏相生而順傳謂之行陰令人寐故神識外無所用而感神迷於內則復為夢也猶日入於夜其夫燥金主澁而濕土主滑夫燥濕之體必先因之於彼氣而後為其兼化也猶先大涼而物後燥及風勝濕熱耗其液而

成燥體及熱太甚則萬物濕潤而出液者也由是表熱無燥者氣血運行通利而成癩狂走呼而力大者也燥熱病於外者氣血壅滯則痿弱而無力也故病內熱而無燥者津液潤澤氣血滑利則昏胃多睡也如洗心散矣藥言治多睡是也故小兒晝精健夜安寤由血液不衰也夫燥熱病於內者氣血澁滯則懊懣煩心不得眠也夫傷寒之燥熱者因於大發吐下或嘔吐瀉痢自汗過多或陽熱大甚損陰耗液亡液則血衰而成燥熱也或灸熨多烙或誤服熱劑或誤因銀粉巴豆燥熱大毒因藥下之反損陰亡液血衰則燥熱大甚多為此誤經曰目得血而能視耳得血而能聽手指得血而能操掌得血而能握足得血而能步藏得血而能液府得血而能氣然則一身之至貴者莫過於血故陽熱雖甚而血液不衰則榮衛通利而為病微血液既衰以成燥熱佛鬱則病甚也且

如酒熱方甚而血液未衰則氣血宜通而和暢因其酒熱抽陰亡液以致血衰而酒漸以散之燥熱拂鬱而煩渴病於酒也而再飲後得平者氣液宜行而燥熱拂鬱後得散也或不受復者酒毒已甚燥熱不能散也亦猶世俗妄意以分陽毒微於陰毒者是謂內外燥熱大甚而血液不衰則血氣運行之太甚而為病者猶泰極失常以為陽毒也以血液衰竭燥熱太甚畜之於內則陽氣不能營運於表故徧身青冷厥逆病危極將死者妄謂天極陰毒也因以中外急救其陽而反招累禍僅或病執尚微而誤中素問言辛熱開發強劫之効因以妄矜已能以謂陰毒必死之證救之以活致使世俗愈惑而惟恨救之不及誤人多矣殊不知但以退熱潤燥散結則氣液宜行而愈也故經曰腎苦燥急食辛以潤之開腠理致津液通氣脈也然氣通和即津液宜行也故經曰氣和而

生津液相盛而神自生

或胸滿結痛或頭微汗出虛煩者梔子湯主之或少氣者加甘草一錢或加嘔者及初誤以園藥下之者加生薑半兩凡懷懷虛煩者皆用涼藥散其狂及宜湯灌手足使心胸結熱散而

已
梔子厚朴湯

治心煩腹滿坐卧不安

白明... 真傷寒... 真格... 中